

एह आकाशवाणी जम्मू ऐ, संजा खबरें च तुंदा सुआगत, पैहलें खास-खास खबरें कन्नै में अभिलाषा शर्मा।

<><><><><><>

Headlines

1. उपराज्यपाल मनोज सिन्हा होरें आखेआ ऐ जे एनसीसी नै म्हेशां नौजोआनें गी इस गल्ला दी समझ दिती ऐ जे राष्ट्र दा हित व्यक्तिगत लाह शा उप्पर ऐ।
2. जम्मू-कश्मीर विधानसभा दा बजट सत्र अज्जै थमां शुरू, उपराज्यपाल होरें आखेआ जे एह इजलास भविष्य दी कार्ययोजना तयार करने लेई महत्वपूर्ण ऐ।
3. जम्मू-कश्मीर विधानसभा अज्ज श्रद्धांजलि अर्पित करने मगरा स्थगित करी दिती गई।
4. एनआईए नै आतंकी हमाले दी जांच दे सिलसिले च श्रीनगर, बारामुला ते बांदीपुरा च छापेमारी कीती ऐ।
5. मौसम विभाग नै केंद्र शासित प्रदेश दे मते सारे इलाकें च अज्ज हल्की बरखा ते बर्फबारी होने दी पेशनगोई कीती ऐ।

<><><><><><>

ते हुन खबरें दी तफसील कन्नै पूनम डोगरा।

<><><><><><>

LG-NCC

उपराज्यपाल मनोज सिन्हा होरें आखेआ ऐ जे एन.सी.सी नै म्हेशां नौजवानें गी इस गल्लै दी समझ दिती ऐ जे राष्ट्र दा हित व्यक्तिगत लाह शां उप्पर ऐ ते समाज दी भलाई-बेहतरी लेई मिलियै कम्म करना गै सच्ची देशभक्ति ऐ। एल.जी होरें एह गल्ल जम्मू-कश्मीर दे लद्दाख निदेशालय दे एनसीसी कैडेट, जेड़े गणतंत्र दिवस कैंप च हिस्सा लैने मगरा नमीं दिल्ली शां परतोए न, गी संबोधत करदे होई आक्खी। अपने संबोधन च एल.जी होरें विजन कुसा स्वार्थ दे एनसीसी दे योगदान उप्पर लोऽ पांदे होई आखेआ

<><><><><><>

LG -Address

जम्मू-कश्मीर विधानसभा दा बजट सत्र अज्ज उपराज्यपाल मनोज सिन्हा हुंदे सांबेधन कन्नै शुरू होआ। सिन्हा होरें आखेया ऐ जे जम्मू-कश्मीर विधान सभा दा बजट इजलास अपने-आपै च बड़ा महत्व रखदा ऐ कीजे प्रदेश दी हुनै तोड़ी दी यात्रा ते भविष्य दियें प्राथमिकताएं दा मूल्यांकन करने दा मौका उपलब्ध करोआंदा ऐ। अज्ज बजट इजलास दे पैहले ध्याड़े उन्नै सरबन्धित सब्भनै हित धारकें अगगे अपील कीती जे ओ पिच्छली कारकरदगी- रेई गेदियें कमियें-खामियें ते नमियें जरूरतें गी ध्यानै च रखदे होई जम्मू-कश्मीर दे भविष्य लेई रुपरेखा तयार करन। उन्नै आखेया जे इजलास दौरान होने आली कारवाई जम्मू-कश्मीर दे लोकें दियें आसैं-तांगे गी पूरा करने गितै किठे रलियै धेइया पक्का करने दा मौका बी उपलब्ध करोआंदा ऐ। उपराज्यपाल होरें केन्द्र शासित प्रदेश च बदलाव आनने दे जतनै च सहयोग देने लेई जम्मू-कश्मीर दे लोकें दा आभार प्रकट कीता ते अगगे बी लोकें दे हितें च कम्म करने दा प्रशासन दा धेइयां पक्का कीता।

<><><><><><>

JKLA

जम्मू-कश्मीर विधानसभा गी अज्ज दो साबका नेताएं गी श्रद्धांजलि देने मगरा दिन भरै लेई स्थगित करी दिता गेआ। बजट सत्र दी शुरूआत उपराज्यपाल मनोज सिन्हा हुंदे संबोधन कन्नै होई ही, जेहदे मगरा स्पीकर होरें बारामुला दे साबका विधायक गुलाम मोहम्मद खान ते बडगाम दे एम.एल.सी ख्वाजा गुलाम मोहम्मद लोन, जिंदा काल पिछले बरै नवंबर ते दिसंबर महीने च होआ हा, होरेंगी श्रद्धांजलि दिती। सदन दे मिम्बरें उन्दे चेते च दो मिंटें दा मौन रखेआ ते मगरा सदन दी कारवाई गी पूरे दिन लेई स्थगित करी दिता गेआ।

<><><><><><>

Chairman-Pannel

जम्मू-कश्मीर विधान सभा दे स्पीकर अब्दुल रहीम राथर होरें बजट इजलास लेई अध्यक्षें दे पैनल लेई त्रं' ऊ विधायकें दे नाएं दी घोषणा कीती ऐ- जेहड़ा सदन दी कारवाइयें दी अध्यक्षता स्पीकर हुंदी गैर मजूदगी च करी सकोग। इंदे च M.L.A. इदगाह मुबारक गुल, M.L.A साम्बा सुरजीत सिंह सलाथिया ते M.L.A बांडीपुरा निजामुद्दीन भट्ट शामिल ऐ।

<><><><><><>

Sampoornata Abhiyaan

नीति आयोग दे निर्देश मूजब जिला प्रशासन किश्तवाड़ नै अज्ज महत्वकांक्षी ब्लॉक मइवाह लेई सम्पूर्णता अभियान दे दुए गेड़ दी शुरूआत कीती। एहदा मकसद खिते दे पूरे-पराते विकास गी यकीनी बनाना ऐ। कार्यक्रम दा आयोजन किश्तवाड़ दे नमैं डी.सी आफिस परिसर दे कांफ्रेंस हाल च होआ। एहदे बारै होर मती जाकनारी कन्नै डी.सी किश्तवाड़ पंकज कुमार शर्मा

<><><><><><>

ते हुन बाकि दिएं खबरें कन्नै अभिलाषा शर्मा।

NIA-Raids

राश्ट्री जांच एजेंसी एनआईए नै आतंकवाद सरबन्धी इक मामले च अज्ज श्रीनगर, बांडीपोरा ते बारामूला जिले च केई थाहरें पर छापेमारी कीती। एह् छापे बारामूला जिले दे राफियाबाद, सोपोर ते बोमेई इलाके च कीते गे न। एह्दे अलावा श्रीनगर शैहरें दे पारिमपोरा इलाके ते बांडीपोरा जिले दी कई थाहें पर बी दापे मारे गे न। एह् कार्रवाई खिते च आतंकवाद रोधी अभियानें गी तेज करने दे मददेनजर कीती गई ऐ। होर ब्यौरे गी अजें बलगेआ जा'रदा ऐ।

<><><><><><>

Budget Ramban

खजाना मंत्री निर्मला सीतारमण होरें कल अपना उप्परोतली 9मां बजट पेश कीता। इस बारे दा एह् बजट त्रै कर्तव्यें थमां प्रेरित ऐ। इन्दे चा इक कर्तव्य, आर्थिक विकास दी रफ्तार गी तेज करने, दुआ लोकें दी समर्थ च बाददा करने ते त्रीया हर इक परोआर, समुदाय, खिते ते क्षेत्र गी संसाधन, सुविधा ते मौके उपलब्ध करोआने दे बारे च ऐ। इस बजट दी सराहना करदे होई रामबन जिले दे मते सारे लोकें महिला उद्यमियें गी समर्थन देने ते 17 दोआइयें पर सीमा शुल्क च छूट देने ज्नेह प्रावधानें पर खुशी जाहिर कीती ऐ। बजट दा सोआगत करदे होई इक कारोबारी शब्बीर अहमद होरें आखेआ

जिस्सलै के इक दकानदारी सतीश कुमार होरें इस बारे अपने बचार सांझे करदे होई आखेआ

<><><><><><>

Prog. Announcement

आकाशवाणी जम्मू दा क्षेत्रीय समाचार एकांश, औंदी 4 फरवरी गी दपैहरी साड्डे 12 बजे कैसर सरबन्धी अंतरराश्ट्री ध्याड़े दे उपलक्ष्य च 30एं मिंटें दे इक बशेश कार्यक्रम दा प्रसारण करग जेदा विशेसार होग कैसर, एह्दे लक्षण, कारण ते इलाज। इस बशेश कार्यक्रम च स्हाड़ियां परोहिनियां होडन सरकारी मेडिकल कॉलेज जम्मू दे रेडिएयान ऑनकालजी विभाग दियां असिस्टेंट प्रोफेसर डॉ. संदीप कौर जेहिड़ियां इस विशे पर अपने माहिरा बचार सांझे करडन। इस कार्यक्रम दी मेज़बानी साढ़े न्यूज़ एंकर जगमोहन शर्मा आसेआ कीती जाहग।

<><><><><><>

Road Safety

राश्ट्री शिड़क सुरक्षा म्हीने दे इक हिस्से दे तौरा पर मोटर गड़्डियें सरबंधी विभाग किशतवाड़ नै डिप्टी कमिशनर पंकज शर्मा हुंदी अगुवाई च किशतवाड़ बस अड्डे पर इक शिड़क सुरक्षा जागरूकता कार्यक्रम दा आयोजन कीता। डरैवरें ते ट्रांसपोर्टरें गी संबोधित करदे होई डी.सी होंरें ट्रैफिक नियमें दी सख्ती नै पालमा करने ते शिड़क हादसे घट्ट करने लेई जिम्मेदार तरीके राहें गड़्डी चलाने पर जोर पाया। इस मौके पर शिड़क सुरक्षा सरबंधी दस्तखत अभियान, मुफ्त मेडिकल दे अक्खें दी जांच, बीमा योजना पंजीकरण ते सर्वश्रेष्ठ डरैवरें गी मान्यता देने दा सरिस्ता कीता गेआ। इस दरान नशीले पदार्थें दा इस्तेमाल नई करने ते साफ-सफाई बारें जागरूकता सत्रें दा बी आयोजन कीता गेआ। इस बारें आकाशवाणी समाचार कन्ने गल्ल करदे होई डी.सी किशतवाड़ होंरें आखेआ

<><><><><><>

Weather

मौसम विभाग हलकी थमां दरमेयाने दर्जे दी बरखा ते बर्फबारी होने दी पेशनगोई नै केन्द्र शासित प्रदेश च अज्ज ते कल दपैहरी मगरा तगर कीती ऐ। कल संजा तगर भद्रवाह च 22 इशारिया 5 मिलीमीटर-डोडा च 16 मिलीमीटर ते किशतवाड़ च 18 मिलीमीटर बरखा दर्ज कीती गेई। उयां 4 फरवरी थमां 6 फरवरी तगर मौसम खुशक रहौग। 10 फरवरी तगर जम्मू-कश्मीर च मौसम आम तौरा पर खुशक गै रहौग ते एदे च कोई बड़्डा बदलाव नई होग।

<><><><><><>

News Read By : Poonam Dogra and Abhilasha Sharma

Composed by : Varinder Sharma

Editor : Kunal Shrivatsa